

四庫全書

史部

欽定四庫全書

史部

雲南通志卷二十一之二

詳校官給事中臣李臺

刑部郎中臣許兆椿覆勘

總校官知縣臣楊懋珩

校對官中書臣張曾炳

謄錄監生臣餘中發

欽定四庫全書

雲南通志卷二十一之二

宦蹟

雲南府

元

王昇

中慶人由學正累官曲靖宣慰使文章政事著聲南土

明

施均裕

安寧人聰穎絕人過目成誦永樂間貢入成均成祖面試奇之授大理評事改交趾御史

按部一十七府吏民懷畏爭建祠以祀後  
按南直風裁凜然冰蘖之操始終如一

李圭

昆明人宣德乙卯舉人天順間知施秉縣才  
力優長遷改縣治後陞光祿寺丞崇祀施秉

名宦

黃敏才

字性之晉寧人正德癸酉舉人甲戌會試副  
榜任烏程順天訓導先後分校楚粵稱得人

陞知解州歲饑不待報出粟賑濟會大疫治藥給  
療全活萬計時有通寇臨界設方略勦捕之陞九

江府同知疏龍開河平江洋寇尋擢知石阡府督  
餉交趾卒於道櫬歸惟圖書數卷所至祀名宦

黃明良

字時際敏才子嘉靖乙酉舉人知溫江縣擢  
知溫州陞戶部員外郎所至俱有政績後陞

貴州按察司僉事舉節兵備道撫軍士清屯田理  
冤獄建學校絕餽遺武備修舉蠻夷懷服罷歸謝

客詩文自娛著有  
西牧山人集行世

唐

錡

字池南中衛人嘉靖丙戌進士知定遠縣嚴  
明果決不避權勢行取授御史巡按湖廣政

績考最轉河南按察  
司僉事以忤權要歸

段承恩

字德大晉寧人嘉靖壬辰進士任工部都水  
主事擢御史按遼東順天值邊事告警士卒

多悍幾輔貴倖專恣思能鈐制懾服尋出知辰州  
府採辦廟材民不擾而事集後以疾致仕晉階嘉  
議大夫著有  
三巡疏要書行世

周作樂

昆明人萬曆壬午舉人知巴縣政事廉平陞  
知澤州綜核繁劇益有聲晉戶部員外陞工

部郎中會計營繕有條理出知遵義府所至  
以誠感人遵人化之母老乞歸遂不出仕

郭維屏

昆明人萬曆乙酉舉人以從軍平播有功任播州知州時方改土設流一切制度悉屏經

始後晉知府州人懷德畏威久而不替

凌秋鵬

昆明人萬曆辛卯舉人知龍泉縣時縣治初設一切規為皆其創暨

張兆曾

字開若昆明人父夢宗聖入室因名性至孝個儻有才中萬曆癸卯舉人任建昌通

判陞知通州理煩治劇不阿闒貴遷南刑部員外擢陝西參議奉命監軍屢著奇績陞僉都御史巡

撫甘肅歿於王事賜祭葬思廕祀陝名宦

段師文

字忠軒嵩明人幼敏慎好學有孝行中萬曆丙午舉人授成都府通判居官廉明陞同知

奢賊犯成都師文統兵三千直入雙林渠魁授首以軍功晉四川監軍道提督五衛學政陞貴州按

察使執法不私晉廣西左布政告歸家居恬淡好施與置義學義田義塚鄉人至今德之

段宜標

晉寧人萬曆乙酉舉人知龍泉縣甫下車請減浮賦民困立蘇移建縣治規畫井然

楊以誠

昆明人任貴州通判多惠澤培植學校士民祠祀之

吳事心

字大寰昆明人萬曆乙卯舉人知臨邑縣釐弊興利請蠲溢額銀萬餘兩性剛正以裁抑

御史濫索夫馬被劾邑民至京保留者七百餘人謫四川按察司照磨署璧山縣辨冤薄歛深得民心遷知丹稜縣歲饑賊起事心設法招徠親至其巢諭之賊悉降後以母老告歸囊無餘金所至三邑悉祠祀之

羅九有

號雲石安寧人天啓間恩貢任山海關通判以捐餉忤撫軍改兩浙鹽運司判復疏報羨

金充餉再忤執政左遷蜀王府司理遂歸賦詩見志著有臭雷齋集

文祖堯

字心傳呈貢人天啓間選貢操履嚴正敦崇實學任太倉州學正頒諸生以日程考其勤

惰而進退之人士興起甲申棄官隱蕭寺講學為吳中士大夫所推重爭相延致後還鄉卒於道妻

東人構思賢廬祀之

王凝命

昆明人崇禎辛未進士任福建福州府推官有清操閩俗喜訟多服毒草圖殞凝命嚴法

痛懲風遂哀止以與當事不合解綬去後起四川兵備道捍禦流寇以勞瘁卒於官

陳國訓

字御屏晉寧人崇禎癸酉舉人知奉化縣值賊胡乘龍作亂國訓集鄉兵嚴守募壯士斬

獲賊首五日平之御史陳良謨為作頌紀功



李東暉

字明寰嵩明人貢生崇禎時任武定州同居官清廉考第一丁艱歸里時以便民事宜陳

州守置海田一區於學宮州守謂其節比澹臺品方叔度云

本朝

段

縉晉寧人康熙甲子舉人知葉縣公正無私不以絲粟擾民四境清肅盜賊皆為感化丁內

艱歸葉人追送數百里後補虹縣甫三月告歸居林下數年卒至今兩地人思之

曲靖府

明

施繼先

字汝孝南寧人性沉默不言人過中天順壬午舉人知大足縣潔已愛民備荒禦災民懷

其德致仕家居教授生徒  
手不釋卷著有樸菴集

張

濂

平彛衛人成化辛丑進士知泉州府有風裁  
改辰州郡多虎患濂焚香祝天引咎自責虎

遁即遠

陳

漢

字天章馬龍人正德庚午舉人知黔江縣遷  
知廣安州養士牧民所至有循良聲歸田後

杜門教子  
不入城市

本朝

李

瀚

字海門南寧人康熙庚午舉人任岷峨教諭  
探賊犯境瀚挺身理諭之賊遂退歷阿迷彌

勒學正修葺學宮勤課士子擢知南昌縣公正廉  
明時有黑魚為祟公焚檄驅之患遂息後致仕歸

里置義田蠲粟賑饑  
造船濟衆鄉人德之

## 臨安府

明

楊昇

阿迷人天順間以貢入太學部撥巡歷四川  
直言發御史受賄遂命代巡按御史事不附

權要能舉其職  
凡七閱月乞歸

王廷表

字民望阿迷人正德甲戌進士累官刑部郎  
中命勘寧夏台滋之獄不避權貴改四川僉

事罷歸里居三十餘年性行惇篤凡有益於鄉者  
必昌言之與楊慎倡和最多有鈍菴讀史及刪後

詩集  
行世

楊廷相

臨安衛人嘉靖甲辰進士任大理寺評事歷官湖廣叅議所至辯冤剔弊皆有聲尋乞休

居林下三十餘年恂恂若素士

李

繹

字作之石屏人貢生嘉靖間任臨武訓導以行誼率諸生餽遺無所問比遷王府官置學

田瞻子弟歿祀臨武名宦

王夔龍

字鳳池石屏人萬曆壬辰進士知巴陵縣多惠政擢御史慨然抱澄清之志風裁為一時

冠

王元翰

字伯舉寧州人萬曆辛丑進士授庶常改工科給事中彈劾不避權貴中要為之側目疏

諫靜攝不報掛冠正陽門策蹇歸為王紹徽所誣士論冤之天啓崇禎間兩次起用不就遊金陵卒

著有諫草及  
凝翠詩行世

馬一荀

字景淑建水人萬歷戊午舉人任慶陽府推官崇禎三年流賊神一魁等掠郡城攻圍甚

急荀策勵兵民百計捍禦焚賊壘誅城中內應數十人與賊相距旬日會救至圖解總督楊鶴特疏陳其功荀時被察當降調復其職士民立祠祀之

本朝

楊正

石屏人康熙甲子舉人知清鎮縣輕徭役省催科以廉靜為治丁外艱歸邑人肖像祀之

服闋知臨安縣多美政署餘姚卒於官貧無以殮兩地人涕泣贖金資輓歸

盧炳

石屏人康熙戊辰進士知南昌縣清勤明練剔弊除奸行取吏部尋陞文選郎澄叙官方

人稱藻鑑擢兵科給事中條奏皆中機宜分校禮闈典試山左所得盡知名士卒於官

瞿

昂

通海人弱冠博通經史中康熙丙子舉人任昆明教諭教諸生為有用之學以卓異入覲

授昭平知縣甫半載利興弊除未幾丁母憂歸即不出里居言動不苟鄉人化之

澂江府

明

蘇

興

字起文陽宗人有異才為文未嘗起草中永樂辛卯舉人知溫江縣政事明決有能吏聲

董雲漢

字倬菴河陽人正德甲戌進士狷介尚氣節為推官時守與倖多滯獄淹禁郡人咸赴賢

剖決如流有神明之頌累官僉事居鄉恬靜過里門必徒步

陳表

號草池新興人嘉靖癸未進士博學能文任浙江道御史剛介不撓巡按廬鳳清漕運濬

河渠致仕歸鑿靈照山麓十餘丈引撒喇溝水由涵洞灌漑田千餘畝初州未設學宮寄籍晉寧登

第後倡州人呈請建學勒有碑記

席大賓

河陽人嘉靖壬辰進士授行人選戶垣歷都給事中遇事敢言後以終養歸遂不出

侯弘文

字爾士江川人好讀書尚氣節中萬曆乙卯舉人知高平縣陞南陽府推官皆報最時流

寇四起海內騷動弘文有智勇當勦薦之授七省監軍道弘文慷慨討賊賊聞其名多警服解散卒

贈太僕寺卿

王說命

號相巖貢生知萊蕪縣興利革弊建定軍山漕運倉便民輸將清操實政萊民德之萬曆

末去任  
祀名宦

雷躍龍

字伯麟新興人萬厯己未進士選庶常器識才望一時推重魏璫熾盛龍屏不與交崇禎

問官至禮  
部尚書

本朝

趙士麟

字麟伯河陽人康熙甲辰進士任貴州推官裁缺補容城知縣緝盜衛民有聲行取吏部

歷右通政副都御史巡撫浙江開淤河償旗債設法便民浙人德之旋調江蘇巡撫晉吏兵二部左侍郎著有綠衣集敬一錄并讀書堂法帖卒祀浙江名宦

謝白生

字麟一河陽人康熙補行辛酉舉人榜姓張為人倜儻有氣節知肅寧縣多惠政得士民



心撫臣特薦之遷知  
華州後歸里數年卒

侯以璋

字措廷河陽人天資厚重寡言笑篤學力行  
生平自奉甚約以其餘周給貧乏中康熙補

行辛酉副榜任蒙自教諭修學宮捐墾荒地為  
學田遷雲南府教授創建奎文閣規制煥然

李發甲

字瀛仙河陽人康熙甲子舉人榜姓施任大  
理教授卓異陞靈壽知縣多異政擢御史疏

增雲南會試額及澄清吏治直陳東省饑民諸事  
出為口北道歷福建布政使所至有聲再為湖南

巡撫以勞  
瘁卒於官

張

義

字我由新興人康熙丁卯舉人州舊例有舉  
於鄉者官徵里下銀五十兩以資公車費義

曰吾方進步即累鄉黨於心安乎峻卻之例遂草  
後知岑溪縣修學教士息訟拯災多善政士民戴

如父母卒於官  
祀岑溪名宦

段如蕙

字薰斯河陽人貢生任安寧訓導屢以卓異  
歷陞長蘆鹽法道清釐虧帑數十萬金調河

東運使旋擢安徽按察使特加布政司銜辦理營  
田尋陞右通政後出管天津河道事卒於官著有

鴛湖  
等集

元江府

明

馬雲衢

字廉宇郡人貢生天啓間任教諭教人以孝  
弟行已為先陞知天河縣有廉能聲邑中番

峒稱盜藪肆出劫掠衢設法捕勦盜遂息有餽  
送暮夜金者力卻之戒其改過後歸行李蕭然

大理府

明

楊

緯

太和人景泰甲戌進士任戶部郎中知黎平府諸務更新力興學校增廣生儒擢山東布

政使有賢聲

張

陞

字平鎮太和人貢生嘉靖間任巴縣教諭時苦流寇撫林見素知其能委督餉運寇平賑流離掩遺骸蜀人文以興歸以孝友禮義教化州學正修學造士人德之署昭化縣多善政遷邛

鄉人人稱五峯先生祀邛州名宦

黃

極

太和人萬曆己酉舉人任廣西慶遠府推官時值荒殘極贊守令詢疾苦撫流移骸骨

給牛種人有起色獄無冤民督兵援黔有功擢大理寺評事轉寺正執法不阿闡黨銜之陞工部郎中督理三山釐侵冒摧璫益恨以事中之遂乞歸居鄉布素自適薑桂之性老而不改鄉邦重之

趙民獻

字大蓋趙州人天啓辛酉舉人任磁州學正教士先德行歷知閔鄉縣愛民如子陞陝西

臨洮府同知耿介明斷有逆徊聚眾謀亂獻單騎理諭遂解去歸里後鎮靜端嚴著有萃古名言四卷行世卒年九十

五鄉人尸祝之

楊定國

太和人天啓丁卯舉人任邵武府同知清介有才民甚德之陞湖廣荆西道歸里孫可望

強之官不受閑戶清修時為後學講聖賢宗旨及古文法士林宗之

楚雄府

明

孫學詩

楚雄縣人萬曆甲午舉人善古文詞工書法任唐邑教諭陞國子監博士轉吏部司務歷

員外著四民圖說進呈上嘉其獻納之忠擢四川永寧監軍道做金城屯田法得省軍餉以疾乞歸終於家

馬兆羲

楚雄縣人崇禎戊辰進士歷官工科給事中巡視廠庫清出冒濫錢糧四十餘萬土司祿

永命爭襲請留撫臣王有德彈壓以制其變復陳御史王肇坤死節事俱奉命旨後罷官歸里居三十年以壽終

姚安府

明

陳九韶

姚安所人萬厯間知天柱縣清靜寧謚民苗愛戴立祠祀之

陶

珙

姚安所人天啓辛酉舉人任太平縣教諭陞國子監助教轉工部主事歷郎中知寶慶府

所至有聲致仕歸孝友文學為一時冠修郡志著有寄園集行世

永昌府

明

劉

漢

字天章金齒人正德癸酉舉人任蘄水訓導再補成都教諸生有法捐貲俸以養士俾貧

寒者皆能自立尋署郫縣教諭聲望尤著郫人尸祝之

胡景

保山人嘉靖丁酉舉人歷官戶部郎中屢任民牧一介不取致政歸屏居山林有直指造

廬訪之見四壁蕭然几列麥粥一盂因贈以米景卻之且答以詩有試向城頭高處望數家猶有未

炊烟之句

張必煥

字徵文保山人嘉靖戊午舉人知江安縣正直無私不畏強禦嘗有老婦訴養豕欲償糧

被虎攫去煥遂齋沐告山神曰神享地方祀有虎啗人物而莫之知乎是夜虎銜餘豕入其柵及歸囊無長物壽九十三卒著有存拙稿延明精舍集隸書法帖自任歸錄等書人稱五橋先生

陳一龍

字內潭保山人生有異貌任指揮清慎謙和折衝灣甸屢樹功績

王國治

保山人萬歷癸卯舉人知新繁縣值奢酋叛以全城功晉刑部郎中有內侍獲譴以千金

求宥力卻之以子弘  
祚貴贈戶部尚書

本朝

王弘祚

字懋自保山人崇禎庚午舉人歷官戶部郎中督餉大同本朝定鼎擢奇嵐道復留大

同理餉務再歲以才能召仍官戶部郎中是時天下初定圖籍散失弘祚精於典故善強記戶部特疏委修賦役全書加太僕寺卿遷侍郎晉尚書加太子太保時滇南初入版圖上籌滇條議十餘事會星變求直言上疏剴切後改兵部尚書乞休疏再上得請居金陵數年卒謚端簡

鶴慶府

明



張宗載

字一寧郡人萬曆癸未進士知江津縣值採山運餉諸大役事集而民不擾土司楊應龍

以兵萬人應調多虛額冒餉宗載俟其成列以實數詰之應龍驚服後詔入為御史封數十上豪貴

手斂

張向宸

字斗南劍川人萬曆甲午舉人孝友端莊任睢州學正士佩其經教署州事有政聲巡按

首薦擢蜀敘州府推官在任四載十署府州縣事所至稱廉明土酋奢崇明積年逋賦累官向宸親往理諭之未返署奢已盡輸納臺憲交薦將擢御史以母老固辭歸

何可及

字允升劍川人天資敏慧苦志篤學登萬曆已未進士知涉縣調臨漳俱有惠政天啓甲

子河南同考拔周士美於別房黜卷中薦第一歸獲玉璽於漳河進御前膺重賞兩舉卓異為御史

巡漕有能聲陞太僕寺卿仍巡浙畿值海嘯鹽場漂蕩以狀聞蠲免二十餘萬兼題修海防商民賴之歷任九載題請八十餘疏年四十六退居林下事父及繼母至孝友愛昆弟周恤鄉黨以詩文自娛當路欽為典型崇禎癸酉大饑傾儲作廉賑濟州民多賴以活壽七十四卒

尹

端

劍川人賦性剛介動必循理由藩吏任清浪衛知事發指揮將維賢以下不法十餘人當道以再來揚震目之端自謂不愛官不愛錢不愛命軍士皆呼為尹青天弟竭亦司吏耿介如其兄任叙南衛經歷累官通判所至有異政

本朝

張九賢

字心疇郡人博學敦行不苟言笑以副榜歷官六安知州六安有逃故丁千餘民或苦獨

累或因攤賠九賢力請上官悉除  
之解組歸築濂溪書屋以終老

李衍芳

字徵遠郡人凝重穎達中康熙癸卯舉人吳  
三桂反遁入山結廬讀書三桂物色之不可

得雲南平授廬江知縣政平事理當事重之使攝  
無為州平水利均徭役尋丁外艱歸服闋更以母

老乞終養  
遂不復任

李含和

字順中郡人康熙丁卯舉人砥行好學工詩  
善書任通海教諭十七年因材化導多所成

就遷澱江府教授尋陞嘉善知縣有  
能聲以老辭歸著有金沙詩文等集

求北府

明

譚昇

濶滄衛人成化丙戌進士知秦和縣陞知合州政治廉明稱為循吏

羅俊民

濶滄衛人博通經史工詩文以貢生歷知武隆縣再補麻陽為政有聲再崇祀名宦

蒙化府

明

朱璣

字文瑞蒙化衛人成化丁未進士任大理評事讞獄無冤歷貴州按察使恩威兼濟綱舉

目張尋乞歸鄉人咸矜式焉

朱光霽

字克明璣之子為人慷慨有大節從父宦遊師王守仁中正德癸酉舉人歷官西安府同

知所至以廉明稱乞歸後家徒壁立

范元愷

字虞賢，郡人。嘉靖癸卯舉人，任京山教諭。陞知雄縣，調名山。清慎寡欲，一介不取。考天下

清官最歸家恬淡寧靜  
時論高之卒年八十二

張烈文

字元煥，蒙化衛人。嘉靖癸丑進士，知嘉興縣。多惠政，累官按察使。廉介有為，生平博通古

今兼長於著述有百氏  
統要文海流奇傳於世

宣大勳

字蓋孚，郡人。萬曆癸丑進士，居家孝友，沉毅多才。知黃安縣，調蒲圻，以廉明稱。邑西北盤

石湖水漲浸沒民田，勳修築堤防，綿亘十餘里，民不復憂水患。名宣公堤，沒於官。

孫

釗，郡人。貢生，知珙縣。縣係新闢，釗建學立師，教民紡織百度，維新歸里，後置義田立祠堂，以

敦宗族，建南薰橋，以便行旅。人咸德之。

景東府

明

楊仕漢

郡人萬曆辛卯舉人知銅仁縣  
撫字有聲歷官慶遠府同知

孝義

雲南府

元

楊立義

中慶人任騰衝府同知事親盡  
孝親歿負土成墳奉詔旌表

明

段

澍

昆明人洪武丁丑進士事親至孝任  
監察御史以就養改姚安府教授

熊

信

字以成昆明人永樂辛卯舉人宣德間任兵  
部主事乞歸終養母歿絕意仕進不謁公門

竇

關

昆明人五歲而孤家貧好學事孀  
母以孝聞撫幼姪成立督學表之

王

護

晉寧人正統間輸  
粟賑濟詔表其門

方

玘

字公佩景泰間後衛指揮使少時得遺金  
訪其人還之值歲饑傾廩賑濟活人甚衆

陳大韶

字舜舉嵩明人父死京邸韶扶柩歸中途負  
擔自給既葬哀慕勿哀事母亦以篤孝聞弘

治間題表後  
任嘉善訓導

王璽

字國用呈貢人早失父事母孝中弘治壬子  
舉人任合山教諭母卒廬墓後歷官涪州知

州孺慕  
終身

唐佐

字朝相晉寧人弘治壬子舉人入太學聞父訃哀號走萬里淚盡出血水漿不入口數日

卒

唐文炳

唐文蔚

祿豐人正德間父母相繼歿時文炳年十四文蔚十一兄弟廬墓三

年刺血和泥塑親像祀  
之文蔚事兄如事父焉

傅良弼

字西崖昆明人澄子正德甲戌進士歷吏科給事中性篤孝以生母年老力辭歸養鄉里

之賢

林春茂

昆明人少失父事母以孝聞母歿廬墓三年哀毀泣血屢奉旌表



段有學

字可仕昆明人嘉靖癸卯舉人以母老終養二十年不仕母卒廬墓盡哀後知中江縣陞

寶慶府同知  
皆有賢聲

施汝翼

昆明人昱子中嘉靖乙卯舉人天性篤孝親歿廬墓有芝草之瑞賑貧乏返遺金鄉人稱

之

宋應時

昆明人父死刺血雜土塑父像以祀廬於墓應時妻死其子文學負土成墳亦廬於墓遇

野燒將及拜風而火息又值羣賊剽掠感其孝餽以豚米不納子孫化之世以孝稱

甘旨

字汝孝昆明人樂善好施郡中貧乏多所倚賴輸粟助邊授以官弗受嘉靖間滇中歲饑

出粟餽民全活甚衆有司上其事欲旌之力辭優游山水以終其身

傅以恭

字默菴安寧人嘉靖間貢生任興文訓導生平取與不苟里居後常捐貲周卹貧乏鄉鄰

德

趙

禧

字念庭安寧人嘉靖間貢生任教諭造士以德行為先常積穀以賑貧乏有貸者焚其券

及歿人爭來償不忍負

孟

富

號漁溪昆明人以孝聞嘉靖間母亡父老遂不應制舉承顏之暇專力於學父歿廬墓著

有漁溪集楊慎為之點定

畢

明

昆明人事親至孝嘗入蜀得遺金不取鄉人貧而貸者輒焚其券不責償

李堯相

昆明人善事親撫孤弟堯卿於襁負中弟長亦敬事兄嫂和氣藹然鄉里重之

張鳳翹

豫豐人事嫡母割股吮疽經兵亂  
冒刃以救父難事聞給冠帶旌表

周良卿

右衛人性孝友兄為千戶早歿二弟欲均養  
父母卿泣曰兄亡姪孤二弟涼薄孝養之責

我當任之遂竭力奉養  
甘旨不哀感動鄉人

楊世麒

字明徵右衛人廩生事母孝母歿  
哭泣至喪明後當貢期竟不能赴

杜惟喬

字汝遠昆陽人貢生居父母喪哀毀盡禮廬  
墓三年墓前麥生九穗瓜結如斗人謂誠孝

致所

楊坤

嵩明人有孝行父卒於官歸  
櫬廬墓遇賊劫負母而逃

安如盤

字克堅昆陽人事親以孝聞貢入太學聞父  
病徒步抵家比卒哀毀盡禮服闋不仕歲時

奉祀  
如生

劉連壁

富民人生員家貧盡孝遇死而無主者瘞之孤獨有疾者以藥濟之平生隱德甚多

羅廷寶

號方塘安寧人萬厯間以異才授山東鄒平縣丞告養歸田施棺柳親戚有喪不能舉者

助之卹羈旅力行善  
事年九十一而終

楊士芳

昆陽人萬厯間貢生歷官平越府通判告歸養親偕二弟同居共產終身不析族黨有孤

貧者為之嫁娶  
與鄉飲者七次

張翥

安寧人生員性至孝父歿廬墓有紫芝馴兔之異

楊恩選

安寧人萬厯間任成都衛經歷幼有至性每得蕪菜必先以養親父病醫藥罔效每夜拜

北辰求以身代疾甚刳股以進夢神告曰汝父疾已不可起以汝誠孝為延一紀父疾果瘳卒如其夢

陳履厚

昆明人天啓間從父官京師父卒哀毀骨立扶輿歸至龍里遇安酋之變賊擁至焚其柩

厚兩手抱棺哀號賊以戈擊之死於柩前

蘇民生

晉寧人天啓間貢生任新野教諭清介自持而以薄俸潤及貧士教人以明經修行為本

尋遷蒙自教諭新野人士佩其德教為立石道旁家居建館置田以教孤寒子弟鄉人德之

李淳

昆陽人兆旂子天性純孝年十五侍父任廬江訓導流寇圍城父攜之守北門城陷父罵

賊死淳伏屍哭亦罵賊而死

李玉衡

昆陽人廩生流寇至舉家避滇池寇掠船母蘇氏先投水衡即隨之抱母屍死妻子婢僕

共九人俱投水死

胡郁然

昆陽人廩生品行方正孝事孀母流寇屠城之前一日母死人告賊至且宜去郁然曰母

生我而我棄之何以生為不如與母俱死守母屍不避賊至見殺

李方泌

昆陽人廩生性孝友流寇臨境同婦攜四歲子掉舟避難賊掠船夫婦罵賊抱子投水死

張潔

晉寧人天性孝友母歿哀毀骨立杖而後起後喪父益哀毀里人呼為張孝子

周宗德

昆明人生員黔國公以國士待之授副將職以醫術濟人事父紹軒母王氏以孝著教育

諸弟姪成人凡衣食生產咸周給焉

周宗仁 昆明人廩生事母王氏能養志兄罹  
難變產贖之生平多陰德巡按旌之

本朝

周養元

昆明人生員天性純孝流寇入滇父賓士將  
被害養元哀求願以身代賊感動父子俱獲

生母李氏早卒事繼母趙氏備極孝養趙年九十  
五卒元已七十有六哀慕如生母一堂五世人謂  
孝子  
之報

謝天正

昆明人流寇入滇民間有夜張燈火及偶語  
者用石灰圈記於門次早按圈屠戮天正時

為里正俟賊去後  
潛拭去全活甚眾

張

潤

昆明人事親養志親疾叩天祈以身代及歿  
廬墓盡哀嘗避流寇亂周給同難鄉鄰多所

全活

陳洪範

富民人生員素敦孝友遭流寇之變負父避難山中父疾多方救療得痊里中大疫有幼

女色氏于氏父母俱疫死無依範收養及笄擇婿嫁之

李澄

昆陽人貢生父兆蕚殉廬江之變澄聞難奔赴負骨歸葬流寇逼滇奉母避山谷母卒暮

夜昇葬負土成墳廬於側康熙初奉委分勘田畝公正寬平又置義塚當道立坊表之

楊衍慶

昆明人性至孝流寇潰兵肆掠慶負母隨父避之父被掠慶迫救并遭拷縛杖索俱斷賊

驚而釋之

楊汝翼

安寧人順治補行庚子科舉人賦性肫摯善事父母友愛諸弟終身無間餽遺貧乏歲以



為常

胡士悅

字季凱昆明人廩生四歲失恃哀痛不食九歲父病親嘗湯藥祈天願以身代獲愈及父

歿哀毀骨立葬祭如禮事兄撫姪蕪盡其道宗族交稱

施逢泰

昆明人事親至孝傭工以養康熙辛酉大

師入滇吳逆潰兵肆掠泰隨父避之方山父被執泰躍出罵賊賊擊殺之賊隨悔而釋其父

謝璉

昆明人貢生性誠孝吳逆之變奉親避兵香

水莊親適疾璉冒刃赴府覓藥晝夜往還三百里足踵流血親疾得愈後以子履忠履厚貴贈如其官

萬必貴

昆明人天性篤孝奉父母避兵山中遇大蛇祝曰吾固當死柰二親何蛇竟去亂定歸貧

無立錐傭工以養不缺甘旨父歿事母愈謹遇疾衣不解帶跪進湯藥母年八十卒負土成墳知縣

朱若功欲旌以

匾固辭不受

周

珮

養元子吳逆之變奉親避兵於澁江之撒拉村糧絕負米於二百里外冒險晝夜兼行兩

足流血母楊氏寢疾二十餘年珮朝夕扶持滌盥浣衾久而不倦友愛昆弟樂善好施世有隱德鄉

里推重

竇觀光

字景儀昆明人貢生性和厚與人交始終如一問黨有以急難告者勉力相助無所吝鄉

人有過輒以善勸導之卒之日哀哭滿道

金

誥

昆明人性孝友竭力養親生平無忤色兄卒事嫂倍謹撫孤姪如己子處鄉里樂善好施

楊杞 嵩明人生員母久病杞侍湯藥晝夜不倦母卒廬於墓鄉人請歸不從感有白犬守塚諸

異

陳印瑞

昆明人事親以孝聞有謝姓者託以三百金後謝物故訪其子還之舊郡守梅姓遺孫女

無依撫而嫁之後以子時夏貴贈如其官

楊御乾

昆明人業岐黃好施與辛酉壬戌間疾疫盛行合藥濟人歲施楫無算家以此落弗顧

也後家止餘古玩藏之數世有友老病絕炊借易薪粟即與之生平行事類如此以子永斌貴贈如

其官

陳國瑄

富民人童年喪親長能自力衣食祖業悉讓與諸弟不肯以一錢自私鄉里親戚有不能

棺殮者慨然任之無難色生  
平恭謹慈善邑人咸愛敬之

許

瓚

易門人竭力養父母有魯奎野賊夜入室執其父瓚挺身捍父力鬪羣賊刺刃陷胸而死

張

棟

安寧人少孤而貧竭力事母甘旨必供母疾封股以進友愛二弟嘗傾囊助之屢空自甘

涂

宗

昆明人貢生七歲失母哀毀如成人事繼母以孝聞業師唐介和貧老無嗣宗迎養於家

又倡議言於總督范承勳移建省會學宮并修置祭器樂器實心任事士林稱之後選授廣南府學

訓導  
卒

吳

寬

昆明人父歿暮宿塚旁曉歸養母踰年母亦歿前後廬墓四載兄亡迎嫂姪同居撫姪就

傳衣食膏火俱取給焉  
雍正十三年 題旌

曲靖府

明

李

驥

曲靖衛百戶少失母與弟驥三世同居怡怡相愛當事旌表其門

郭

藩

南寧人生員事親盡力得其歡心凡田廬推讓弟兄人稱孝友

徐可繼

南寧人秉性孝友父病日以舌舐之愈母尋病日亦舐愈之及父母卒前後廬墓皆盡其

哀

張

浩

南寧人家貧事親盡禮親卒鬻子治棺三年不如葷酒每言及父母輒泣下院道給冠帶

旌之

謝表

南寧人生員性孝友弟詔早卒撫姪得申如已子姪與子俱患痘危篤表抱姪泣告於天

曰寧死吾子存吾姪不忍弟之撫後也其子果死課姪成進士又置義田義塚有司旌之

段尚綱

尋甸人生員有孝行居喪力變蠻俗遵行家禮廬墓三年鄉里有感化者

張化

張文忠尋甸人從弟兄也居家孝友為里黨所推尋甸舊無學嘉靖間化與

文忠屢呈請建學不報遂鬻產赴京叩閭得俞旨知府戴鼂旌其門曰尋陽義人

必沙

尋甸人有勇力知文墨嘉靖間安銓叛夷類羣附沙獨抗言拒之賊亦不敢加兵沙潛護

府民出境甚多泣謂之曰我欲同去恐玉石不分若能為我明於官我不殺賊非丈夫也銓聞使人

以毒酒殺之

馬欽

尋甸人生員安銓之變賊射其母以身蔽之賊感動釋之而去遂得奉母以天年終

馮世傑

尋甸人生員有氣節安銓之叛傑奉母及弟匿橋下為賊所獲母投水死傑謂弟曰母死

不能救豈可苟全性命亦投水而死

呂應科

尋甸人生員安銓之叛城陷守者皆得罪應科以罪屬無辜又守者素賢乃萬里赴闕陳

情願以身代守罪遂從輕典人皆義之

伯寧國

字肖雲南寧人萬厯間貢生任夔州訓導署建始縣以仁廉稱事兄極友愛捐置學田以

齒德數舉鄉飲賓

伯承恩

字榮吾南寧人萬厯庚子舉人累官四川按察使歷任皆有賢聲居鄉和睦周濟族黨置

田五十餘畝為諸生  
試卷費士林稱之

馬邦俊

尋向人萬厯間選貢知桂東縣陞廣西潯州府通判致仕歸捐宅建學

何俊

字彥賓越州衛人千戶幼有孝行父病衣不解帶者數月居心仁恕邑人咸慕其德崇禎

間撫按  
旌獎

彭之藩

尋向人崇禎間貢生有學識敦品行捐貲修學課藝傳經鄉人重之

邱為龍

尋甸把總東川賊衆攻寨力戰箭中左目龍拔出仍格殺九人賊衆潰散寨民保全

張維

南寧人丁亥流賊斷其右臂家貧甚力作養親繼母病刲股以救邵縣皆給匾旌之

本朝



鄒

旦

宣威人事繼母四十餘年刻不敢懈時或  
恚怒即跪聽譴責侍後母弟備極友愛

繆以正

南寧人康熙丙午舉人吳逆叛守  
節不受偽職恢復後授南和知縣

丁運亨

字達公南寧人康熙己酉舉人事親孝褻器  
垢衣必親滌洗吳逆欲收人望強官之不就

恢復後授晉寧學正鼎  
新學宮遷景東府教授

查奉璋

字髦士馬龍人以孝聞中康熙己卯舉人工  
書善詩任路南州學正丁外艱歸廬墓盡哀

督學將洞  
旌其孝行

臨安府

元

張友直

通海人好讀書早喪父事母杜氏寢食不離左右鄉里稱其孝至正間聞於朝旌為慈孝

門之

董茂春

字良卿通海人文彥子以廕任本縣教諭嘗父死於賊時哀號幾絕事母孝飲食寒煥未

嘗一日離母疾籲天願以身代當時有一門忠孝之稱

亨

祐

石屏人天厯初禿堅作亂祐與朱寶翼共守和龍島賊率衆來攻戰艘三百人欲出降祐

曰戰亦死降亦死死報國耳衆皆踴躍賊舟將至衆欲迎敵祐曰勿急也無何賊舟蟻附發炮擊之連碎數十舟斬首百餘級賊引去

王

帑

石屏人禿堅之亂朱寶翼與亨祐守至七月幾不支帑出粟千餘石給衆會救至得免

明

吳孝先

曾我人洪武間年十二歲隨父出遊父為虎所攫孝先取父佩刀斫虎虎死父得生人稱

孝童及王師平蜀彪率眾投誠以功授分巡遵義道修學禮士安民靖寇遵人至今感之康熙戊申

裁缺家居好善樂施會吳逆叛欲餌以官堅卻之人稱為清節名臣云

張鷗羽

石屏人廩生康熙乙巳龍韜叛仗節死難學道何起鵬旌其門曰義高千古

曾齡

字雙樂建水人性謙和好善於鄉多所利濟理義倉興書院人尤誦之

澂江府

三國漢

李

恢

字德昂，元人。靈帝建安間，劉璋為益州牧，益州太守董和貢恢於州。恢知璋必收先主

必成，乃託名郡使北詣先主於綿竹。先主嘉之，既定成都，以恢為功曹書佐主簿，遷別駕從事。章武元年，庾隆都督鄧方卒，先主問恢誰可代者，恢曰：「人之才能各有長短，是以先零之役，趙克國曰：莫如老臣，臣竊不自揆，惟陛下察之。」先主笑曰：「孤之本意亦已在卿矣。」遂以恢為庾隆都督，使持節領交州刺史，任平彝縣。先主薨，高定恣睢於越雋，雍閩跋扈於建寧，朱褒反叛於牂牁，後主建興三年，丞相諸葛亮南征，先由越雋而恢按道，向建寧諸縣糾合團恢軍於昆明。時恢衆少，敵倍，又未得亮聲息，紹諸南人曰：「官軍糧盡，欲規還，南人信之。」圍守怠緩，於是出擊，大破之，追奔逐北，南至槃江。東接牂牁，與亮聲勢相連。南土平定，恢功居多。封漢興亭侯，加安漢將軍。後南夷復叛，恢再平之。徙

其豪帥於成都賦出吏濮耕牛戰馬金銀犀草允  
繼軍資於時費用不乏七年以交州屬吳解恢刺  
史更領建寧太守徙居  
漢中九年卒子遺嗣

明

趙

禧

字景福河陽人正統丁卯舉人知永從縣有  
廉惠聲丁艱歸服闋嘆曰祿為養也而親不

逮仕復何為遂不仕清修  
苦節三十年絕跡公庭

李蕃

字庭茂河陽人正統戊辰進士任戶部主事  
出視臨清倉及九江鈔關弊絕風清豪吏袖

手尋以親老乞歸不事生殖環堵  
蕭然婚喪多從古禮鄉人化之

侯必登

字頤真江川人嘉靖己未進士歷官潮州知  
府時值倭寇擾亂之後地方多警井里為墟

掠人取贖者無寧歲必登首罷一切苛條與民休息而沉幾有雄略善得賊情每談笑指麾而解散之民得更生嘗以事之者經賊巢中賊聞相率羅拜肅隊前驅威德服人類此後陞江西叅政上官有以事強屬必登者曰登之頭可斷事必不可應也一時交稱之歷官皆得民心居鄉則恂恂焉

楊以成

字太和路南人貢生任貴陽府通判分署畢節衛著有勞績陞同知仍官其地天啓壬戌

水蘭賊叛成具蠟書告變滇撫發兵西援成督滇兵與戰破之已而賊兵大集成知事不濟令吏懷印趨貴州自以死當賊未幾城陷賊殺其家口十三人獨其弟以榮不死成又將賊中情形函竹付榮潛入滇告變至散納溪為賊所獲得其書遂併以成殺之黔撫以聞贈光祿寺卿建祠祀之

武定府

明

楊堯年

和曲人嘉靖以前郡學未設堯年發憤讀書遠寄大理府學歸教授鄉里人皆知學武定

人文自堯年開之

楊春震

和曲人萬歷庚子舉人知湖廣夷陵州力鋤豪紳風節凜然天性孝友聞父病告歸侍藥

累月衣不解帶守喪哀毀骨立不用浮屠士論重之待庶母弟春霖春霽友愛曲至相繼卒震哀悼廢寢食霽妻辛氏守節遺女一人震憐恤倍已出事庶母敬謹歿後葬祭以禮杜門教授生徒著述甚富

廣西府

明

楊

洲

郡人正德癸酉舉人任國子監助教陞四川保寧府同知居官有賢聲處鄉尤能化俗

趙鳳翱

郡人幼穎異好學及長善事繼母人無間言由歲貢任資縣教諭講明經學諸生多受其

益署縣事清正廉明及遇寇警保固城池嘉靖間入名宦今子孫守其遺法

澂江府

元

段文瑞

河陽人父早歿事母盡孝母歿哀毀骨立以手履地行一里外負土營葬凡百五十日始

成事聞旌表曰孝義之門授本路學正歷官臨安路總管



明

王

珪

字朝玉新興人事親盡孝父歿哀毀廬墓日啜一粥不進鹽菜者三年靈芝產於墓上正

統間有司  
上其事

孫

佶

河陽人隆慶庚午舉人少失父事母至孝母疾親除溲溺母思飲甘露佶夜禱天甘露忽

降注盃中奉母獲  
愈人謂孝感所致

鄧漢鼎

字燮公河陽人崇禎間貢生孝友忠信讀書淵博為文根極理要所授徒多成名彥嘗避

艷色返遺金尤世所  
難鄉人至今尸祝之

本朝

李

冕

字君華河陽人讀書通大義孝友姻睦讓產弟兄好善樂施修橋梁濟貧乏代人贖妻子

以全骨肉多行陰德以子發甲貴贈如其官

楊

浩

河陽人幼失父母事伯父母如所生伯父早世無子迎伯母張氏於其家養之張得疾卧

牀六載浩奉養不怠張卒哀毀備至閭里上其事於官旌之

管一奏

新興人自幼醇謹端方臨財不苟事親孝教子嚴嘗捐建文昌宮書舍延師課讀後學多

成就一鄉以老佛稱之以子灝貴封如其官

陶正發

路南人幼失父祖父衰老正發力作奉養問寢視膳無少怠或傭工於外數日必負米錢

還省之勤勞備至闔學公舉旌表

胡景武

江川人家貧充里催一日詣縣悉完所應惟賦時方七月縣令怪其速景武曰母老病欲

旦夕侍湯藥不得離又恐誤公故稱貸以完及母卒未殮盛暑血流於地武撫膺大慟匍匐吮之既

殮而葬號泣不絕哀慟感人縣令察異之召給米一石俾祭其母

張綸

字善承河陽人廩生父居宮任趙州學正卒綸年十七徒步千里扶櫬歸力貧養母教弟

昌音成名卒又撫孤姪琮有成生平然諾不欺行字問里教授生徒多所成就

郭上詒

字超羣新興人天性孝友父患瘡詒吮之得愈姨母蔣氏寡而無子詒體母志迎養於家

喪葬如禮昆弟六人終身同居友愛甚篤尤樂善多義舉施棺掩骨貧有驚身者為贖還之以子偉

貴封如其官

郭偉

字靖園上詔子登康熙丙戌進士知鎮平縣  
歷吏部稽勲司員外生平仁孝和厚父患噎

思石榴值冬月偉躬親遍訪竟得之樹上疾尋愈  
母病目幾盲偉禱於天時以舌舐其目遂復明友  
愛二弟修贊疾病躬自扶持嘗代人償債以全骨  
肉解衣以救凍死者人有醉詈於門不較丁艱歸  
廬墓終喪  
以哀毀卒

武定府

明

藍碧

元謀人父病判股救療歲饑捐穀賑  
濟仍儲義倉以助貧乏上官旌之

尹淮

元謀人母病危篤號泣告天求以身代判  
股進母尋愈年荒捐米賑濟全活甚衆

楊元祐

和曲人春震子以副榜任趙州學正端方醇謹博通典故工詩古文詞孫可望據滇迫之

官力拒不受  
士論賢之

### 本朝

陳此丹

和曲人生員家貧好施事親以孝聞己亥遇潰兵奉母避山中偶相失丹號泣追尋薄暮

有婦丐隨行丹曰吾尋母方亟豈能汝顧况男女有別雖患難寧遂苟乎卻之去竟夜不獲母渴甚將所負米囊置路旁覓水澗中比返母坐囊上問母何以至此曰黑夜行荆棘力疲息此實不知為已囊人以為誠孝所感

### 廣西府

明

趙通

本府土照磨成化間昂貴爭襲府職大肆虐通不從逆遣其子趙瓊赴京奏聞下其議

因改土設流  
民賴以安

李

璜

師宗人弘治間代本州土官至京襲職璜以土官專擅終為民殃遂奏請設流官令土官

不得協管州事及抵家知其身必  
不免遂潛逃師宗設流璜之功也

張

恩

郡人隱居沉黙與物無忤嘉靖間賊阿旦為亂監司檄本郡撫之衆舉思思慨然往諭賊

皆服從以瘴卒當路  
旌其義為文祭之

郭尚賢

郡人事親孝父母卒哀毀廬墓足不入室口  
不如葦遇虎不傷鄉人有急輒周之有鬻身

於人者尚賢知其  
有母在為贖歸焉

趙宸

郡人父卒廬墓虎聲咆哮宸不顧虎曳尾去一夕賊入顧視惟趨囊孟箸而已

張秉衡

師宗人生員性素孝母病目盲秉衡乞以身代一日忽明

簡如英

彌勒人親喪廬墓三年虎不敢犯屢奉旌表

何騰龍

彌勒人普名聲之亂負母遠奔不顧家室府州旌之

李在恭

師宗人本府通判游大勳孫因父流寓師宗在恭自歙縣來尋父遂入籍改姓李中雲南

副榜丁亥土賊叛執其父在恭罄家得百金贖父因墮奸人手匿不予賊賊怒欲殺之在恭求以身

代弗許遂以頭撞賊父子俱遇害

呂應乾

彌勒人生員年十四其母為流寇所掠應乾泣涕尋至賊巢賊感其孝與金帛遣之

本朝

邢太古

郡人幼失母父之楚太古為人救豕備諸艱苦時思慕哭泣及父歸喜甚承顏順志三十

年如一日父年八十五歲自言不覺鰥居之苦以有太古為之慰也闔郡公舉旌表

李根心

字所性郡人好善樂施英德令張于宸孤孫為沙夷所擄疊賣為奴根心訪得之變產贖

還遣其歸宗 大師復滇疫 癘盛行捐三百金市藥救治

元江府

本朝



李其紀

郡人家貧竭力養親母歿事繼母如生母康熙乙巳值土酋之變紀負繼母逃行一日夜

不休得免父歿廬墓三年有虎伏兔馴之應

蔣應堂

本姓雷元江協兵充副將毛來鳳廡卒鳳一日見其到草甚艱血流手腕訊其故左右具

道其孝養刲股事鳳異之免其役後親歿哀慕之甚刻木為像祀之如生署知府李成才旌其門曰

繼美

丁蘭

郭羽宸

河西人生員家貧寄居新平窩泥寨舌耕養母素以孝聞雍正十年八月遭探逆之變事

起倉猝時母病垂危不及走避母驚死宸痛不欲生日夜哀號相繼而殞

開化府

本朝

楊守士

郡人性純孝年八歲父溝篤疾刲股療之及母疾亦然人咸稱異焉

昭通府

明

可童

鎮雄人胡氏僕其主為賊所殺可童藏幼主登魁於竹筍負以逃賊追及童張弩向之曰

我胡家窮僕也追我何為賊舍之其妻曰我兩人逃死不暇何能顧小主盍棄之童大怒以杖擊妻幾斃遂負登魁匿四川叙州府撫至成立卒報父讎

大理府

漢

隗叔通

葉榆人性至孝母好飲江薺水通日入江取水維艱江中忽出平石涉取其甚便人謂之孝

子石

唐

段赤城

葉榆人有膽略蒙氏時龍尾關外有大蟒吞啗人畜赤城披甲持雙刀赴蟒蟒吞之劍鋒

出蟒腹蟒死人剖蟒取赤城骨  
葬之建塔塚上燬蟒骨以至塔

元

楊淵海

太和人段氏臣至元間總管段功有寵於梁王淵海逆知其不終屢諫功勸之歸不聽淵

海語人曰吾主無生還日矣吾食人食而不  
同其難乎明年功為梁王所害淵海死之

楊保楊

名

太和人皆段氏臣保授元帥萬戶  
洪武間兵入大理遣弟知府名探

報緩急約翌日日出為期名過時不至保知事不  
濟即自縊名亦以弓絃縊死國人異之合葬於外

圭山下

明

趙

壽

趙州人永樂丁酉舉人正統間有蒙化土舍  
從征麓川有功謀為州上官壽懼為民患要

鄉人李松張福海潛赴京師奏草之一州以  
安松等造廣廈作堵牆百丈居壽以報德

楊

寧

太和人父母繼歿廬墓  
哀毀採風使題聞旌表

楊謫仙

寧之孫事母盡孝時稱楊氏二孝子題闡旌表

張孝子

太和人失名姓至孝傭工養母母歿哀慕如狂既殯猶晝夜號於路數年不輟而死

段子澄

太和人納奔女道還遺金中天順壬午解元是科秋試主司得其卷屢感異夢知為端

人急拔之任德安府通判以內艱歸不復出居鄉多盛德事人謂太邱彥方之亞

洪鈞

太和人生員性孝友母歿廬墓三年水竟不涸人以為澗水盈涸不常鈞居三年水竟不涸人以為

誠孝所致

黃聚

雲南衛人事親至孝親喪廬墓盡哀道府給銀米旌之

楊沂

太和人事親孝親歿哀毀廬墓以分授田業之半讓諸兄遂老於山中

趙友益

太和人自少至老無喜愠色與物無忤兄弟子姪有失依者皆為之所鄉人稱其孝友

吳讓

賓川人州舊無城民苦剽掠弘治間讓奮然詣臺司請置州衛建城池往復再三卒如其

請

史大經

雲南縣人為諸生時曾讓貢於友嘉靖間任邛州學正能培植人材歸置義田勇於行義

士論  
重之

王守陽

太和人家貧事親勉具甘旨四十不娶恐分親之養也終父喪後以母命始娶婦婦不得

於姑守陽謂曰為吾婦不善事吾母任汝所適婦亦苦其貧遂去守陽以相地自給得錢即養母每夜嘗四五起視寒溫母身輾轉必捧之以助其力凡母所嗜多方致之

呂

健

大理衛人家貧養親每食必躬進之親偶不  
懌則深自咎責悅而後已病則嘗藥死則廬

墓以誠  
孝稱

楊起雷

太和人父久疾凡起卧雷必親扶持  
四十年不倦事兄起雲亦以友愛稱

朱維顯

賓川人生員以孝聞父先歿母  
張氏喪明左右扶持未嘗刻離

楊雨

太和人充府刑吏或知人之冤輒力爭於庭  
郡守疑其賄笞之笞已復爭久而察其無他

遂見納獄賴以不冤役滿不赴考選太守  
廉其賢欲薦之潛入雞足山索之不得

趙重華

太和人年七歲父廷瑞棄諸生業遊方外後  
十五年母歿妹嫁遂請途引於郡守覓其父

行至武當太子崖上隱隱有字跡後識其父名氏  
而所書月日與重華尋父出滇月日同覽之慟哭

亦附書姓名其後歷走江南無所遇禱於三茅峯  
夢神語曰汝父猶未死覺而爽然過毘陵被盜僅  
存遂引道遇老僧言其父寓無錫南禪寺使一道  
人導之至寺則其父果在相抱而慟見者慘然遂  
奉父以歸鹿門茅坤  
為作趙氏客遊述

楊準

太和人父士雲祀鄉賢準性純孝不忍一日  
離父雅好學不就功名父卒廬墓盡哀人稱

為楊  
孝子

張聚奎

字瑞星趙州人生員好讀書負氣節州治有  
石青峒堪輿家謂有闕州治地脈久封閉萬

歷間遣中使楊榮開採榮遣其黨張文華至趙聲  
勢橫暴士民競前奉毆之文華逃訴榮榮上聞遣  
縱綺械州守甘學書等聚奎直前曰毆文華者獨  
聚奎也遂并逮至京臺垣論救羣閣必欲寘之死



獄繫三年會赦得出已復逮入再  
赦仍歸硯得永開州人至今義之

鄒良彥

趙州人天啓丁卯舉人知榮經縣有惠政丁  
艱歸里遂不出孫可望破大理屢檄起之良

彥投其檄遯去壽八十五將歿書曰忠於君孝於  
親為天地間肖子仰不愧俯不忤作宇宙內完人

投筆  
而卒

楊舟

雲南縣人樂善好施賑貧濟困捐千金修文  
廟按院司道核確以聞加冠帶壽官旌曰尚

善  
義敦

楊俊聲

浪穹人幼聘杜氏女未嫁而瞽兩姓父母咸  
議離婚俊聲執義不從竟娶歸情好甚篤時

為諸生里人聞神語楊生娶瞽女德行註上考崇  
禎間以貢生薦廷試知歙縣調臨潼報最擢平慶

副使請終養歸迄今  
子姓蕃衍皆杜出也

### 本朝

杜桂印

字仙阿趙州人生員父欲弘為諸生己亥為雲南潰卒所執欲殺之桂印年方少號泣馬

下願以身代兵怒殺之父獲全康熙  
壬寅撫院袁懋功具題旌表其門

鄒應運

字名世趙州人少孤性孝友己亥與母兄避兵相失叩天嘿禱即獲母處又千里尋兄歸

事之盡禮母歿蔬食三年祭必哀恸貧  
而好施見無衣食者解衣輒食周之

李

偉

雲南縣人少失怙恃奉繼母楊氏值寇警躬負入山母疾親侍湯藥未嘗暫離力耕色養

五十年如一日撫  
臣具題旌表

龔

敏

趙州人少孤性篤孝母柏氏命就學必拜母而後去歸復四拜以為常地震覆垣傷母敏

號哭以手掘土十指淋血曰母血也啖之將葬會賊兵至敏夫婦抱棺大慟賊感動遂去逆藩重其

名撤之任堅辭閉門著書博綜古學郡志多出其手守道畢忠吉贈以節孝錄

蘇士俊

趙州人祖時譽前明世職叅將沙曾叛力戰死士俊挈家自昆明避兵趙之彌渡遂家焉

性好義樂施鳩衆為崇義會以周窮乏疾病死亡一日值孕婦入市將媿無所歸士俊導至家令婦

服侍產逾月乃遣歸曾拾遺金訪主還之年九十二兩舉鄉飲大賓一堂五世鄉人號為蘇老佛子

萬民兆民俱以孝友稱

楊

燦

雲南縣人康熙庚戌進士吳逆叛強之官不受事平授廣西貴縣知縣

王佐才

趙州人康熙壬子舉人吳三桂反脅以官不受藉其家拘省城者年餘終不屈釋歸奉母

讀書山中 王師復滇 授宜良教諭旋請終養

朱

籛

字奏雅賓川人康熙壬子舉人善體親心以孝聞任石屏州學正和易可親士多化之陞

武定教授力辭歸建家廟置祭田周恤族中貧困家居二十載里黨奉為典型

楚雄府

元

楊惠

威楚路人少孤事母盡孝母疾篤禱神求以身代母夜夢神告曰爾壽當終以爾子誠孝

故得延明日果愈壽八十餘及卒惠負土成墳廬於墓哀痛失明有司上聞詔旌表其閭

明

印岳

楚雄衛千戶性至孝奉母先意承志母病衣不解帶見有屍骸暴露者解衣覆之死不能

葬者助以棺正統間  
征麓川力戰而死

王大勳

廣通人早失母傭工事父每晨必視父食畢然後出遇主人授食必先投竹器中持歸奉

父監司命有司存  
恤之旌表其門

潘浩

楚雄縣人家貧母老而善養志中成化癸卯舉人任大理訓導母疾迫禱神得愈遂棄官

歸養母歿哀  
慕廬於墓側

朱高

楚雄縣人貢生五歲喪母事繼母徐盡孝父歿家貧竭力營葬三年蔬食水飲不近房帷

後喪繼母亦如之弘治間任合江訓導分俸於兄及族黨貧乏者鄉人稱之

俞

沛

楚雄縣人生員家貧力學鄉人子弟治禮記者多出其門嘉靖間武定鳳氏亂延及廣通

郡人震恐沛與郡守多方捍禦城賴以全

延

久

定遠人貢生以母老不仕敬養終身鳳賊之變有人以三百金倉卒寄託賊平後不見來

取跡其人還之封識如故

陳于舜

楚雄縣人天性孝友父歿善事母嫁娶弟妹得母歡心有姑媯無嗣迎歸養之鄉里有貧

駕其子者為捐金贖之

李希綱

楚雄縣人貢生父久病侍醫藥寢不解帶者九年任姚安訓導俸祿所入與兄共之周恤

親黨各盡其義所  
著有四禮註一卷

俞

經

楚雄縣人父歿家貧與弟繪緯友愛同居四十年如一日不受私金不忘舊交鄉人頌其

高義

朱萬元

楚雄縣人萬歷壬午順天舉人歷官鞏昌府同知未舉時從豐城李公講學深契性命之

旨及李得罪萬元與省郡諸生將希堯等偕入京視李獄中世稱其義

俞思箴

楚雄縣人貢生事親篤孝四時蔬果不奉親不敢嘗萬歷間任沅州訓導教士以德行為

本及家居族黨婚葬不及者皆周濟之

李繼東

定遠人貢生萬歷間任大理訓導事親至孝親歿遂不復仕當居喪廬墓時至性所感烏

崔俱馴盜賊遠避  
院司旌之銘其墓

張克儉

鎮南人萬厯庚子舉人知榮經縣告歸力耕  
養親親歿喪葬一準家禮鄉人法之里中婚

喪不給者捐貲以助郡有驛遞板累窮民  
豪右霸阻水利儉為陳於當道民害以除

蘇德馨

廣通人性至孝萬厯間以南安貢生任茂州  
學正早年父溺愛異母弟逐馨於外馨盡孝

益篤父  
遂感化

李邦相

楚雄縣人家貧甚父歿賣身以葬留妻養母  
越二年母又歿妻亦願賣身葬姑妻父怒訟

於郡守守嘉其事上於道  
院以聞萬厯間建坊旌表

翁弘慶

廣通人天啓間父早卒事母盡孝家極貧每  
食必以酒肉母不忍食則跪進之偶缺雖蔬



食必竭誠以奉負母避兵得免  
於難好善慕義不以貧困易心

倪可觀

南安人父天叙天啓間任大名府通判卒於  
官觀萬里扶櫬歸葬事母撫弟以孝友稱舉

壽官長子元昌能繼父  
志兄弟友愛鄉里重之

周孔徒

定遠人生員天性孝友存恤親戚還人遺金  
多盛德事子昌作天啓乙丑進士官大理評

事  
以孝聞

包弘漸

廣通人生員崇禎間流賊破四川凡弘策為  
新都知縣城陷罵賊死漸事寡嫂盡禮為諸

姪婚娶傾家貲以  
慰嫂意里人稱之

俞

觀

楚雄縣人崇禎間貢生與弟益皆潛心理學  
教授生徒而觀尤孝友方正流寇陷城聞其

名迫之見不屈投泮  
水人救之得不死

本朝

楊三奇

南安人順治間有賊十餘人圍劫其家父被執奇年十四奮身抱賊賊持刃向父奇曰寧

傷我勿傷我父遂受刃而死父得全

陳士驥

南安人順治補行庚子舉人吳三桂反檄官之拒不受事平授隆德知縣

張肫仁

字子任楚雄人康熙癸卯舉人生平尚氣節嚴取與學識堅定剛直不阿吳三桂反脅以

官抗不受甘貧守正教授生徒

姚安府

元

趙

和

姚州白鹽井人天順間父亡和甫五歲其母王氏改適楚雄倉官後以罪戍邊母偕行與和別去和年十四晝夜思母不置泣涕願天尋至遼東見其母與俱歸中途遇虎母子俱無恙

明

高梓潼賜

姚州土州同五歲喪父其母譚氏撫育成

就賜性孝母病痿痺晨夕稽顙北辰求以身代遂愈後病日綾喪明賜時紙之尋亦愈後復病癱叱之又愈成化間具奏旌表

楊道東

字戴吾姚州人嘉靖己丑進士天性孝友好義樂施貧時見有衣不蔽體者即解衣衣之

讀書貫穿經籍登第後卒於京未究其用

金鯉

姚州人廩生素敦孝友母楊氏病篤多方求救不愈日夜默禱忽夢神授一方治之果驗

及親卒廬於墓側一夕忽有羅賊劫掠憫其孝舍之凡鯉舉家遭疫親里斂跡鯉同寢處供湯藥俱得保全萬厯間御史以聞建坊旌表

劉九疇

姚安所人貢生知綦江縣素性孝友方出任盡以遺產讓諸弟鄉里重之萬厯間欽賜孝

友馳聲  
匾額

李秀白

大姚人廩生性謙抑與物無忤早喪父孤貧力學事母張氏至孝及母遺疾將草治療無

功焚香祝天願以身代母幾絕復甦後一載無疾而逝哀毀廬墓御史陳學夔以篤孝表其門

靳時芳

姚安所人侍父從儀赴京父在途疾不能乘馬芳背負而行母病癰芳晨夕抱扶歷三十

二年如一日家貧訓蒙自給言必準聖賢跬步有繩尺遊其塾者皆有規程即販夫女子皆知其為

新先生居城外環堵蕭然姪仕清九歲喪父芳撫育成立部使者皆表其門鄉飲三次年八十三卒

施光裕

大姚人貢生任淮安府教授質實愷悌尤敦孝友推產諸弟甘貧自如著有居敬錄省心

錄

謝宗陽

大姚人廩生為人樸實訥訥如不出口生平無絲帛甘旨之奉父故廬墓遺產盡以屬弟

弟卒撫遺孤周瞻宗族好義樂施撫按督學俱旌之著有省身錄

永昌府

明

徐

訥

字敏行保山人年十三父遭疾幾殆訥每夕稽顙願以身代父疾果愈後父歿廬墓

哀慟有青蛇遶墓之異詔旌其門

胡

亢

字希賢保山人父歿時亢年甫十二不食三日既葬結廬墓側每哭泣輒有鳥雀集樹悲

鳴哭止乃散

蕭

芮

字從周保山人監生事親孝及親卒廬墓哭奠哀毀骨立

符

節

字性善保山人平生耿介寡合常與丁貞友善貞病篤以幼兒竝白金百兩託節節受金

密藏於丁室中厚撫其子且教之比長挈金授之封識宛然鄰有嫠婦無子迫於飢寒自縊節救之

活令家人給衣食歷二十年終不見婦一面婦卒治棺葬之所著有坵坡堆詩一集

陸

鏞

保山人道見遺金一囊拾歸謂妻曰若坐門內視有泣而過者告我已而果有人泣涕至

覈如數即付之以半謝固辭其人拜天祝頌而去

辛

淳

保山人好義樂善嘗修學宮置學田捐粟濟饑從征交南凡道死者力為埋葬之

藺

剛

字德中騰衝人千戶愈次子正統間隨父征麓川愈累功陞副千戶剛亦當授外所鎮撫

乃白父曰吾祖宗世為正千戶中葉而為副今幸父子俱立功若併論祖職可得也愈曰武廕以長我死女兄繼之置汝何地剛曰為子弟當竭力於父兄耳奚以得職為乃偕白靖遠伯伯嘉其孝讓併功於愈為正千戶愈卒兄襲剛友愛有加年八十六而終

吳

榮

字仲華騰衝人惇厚坦直人有爭者咸質平之一日與友蘭剛暮歸適一屠兒醉卧道中

墜二十金於側榮恐為他人所得拾付剛  
令遣僕守屠兒俟醒歸之終身不自明

張

昂

字德遠保山人天姿清俊嗜學飭行正統間  
侍郎楊寧舉為弟子師嘗以千金置義田於  
蒲縹以資宗族之貧者婚葬孤孀皆有常給鄉人  
有貸不能償者焚其券人有犯者不校所著有鈍

稿巷

周

琮

騰衝人晚行得遺金歸付其妻仍往拾金處  
伺之至夜一人來尋詢之得實還之蓋此人  
稱貸以完逋賦而出子於獄者分謝不受其人祝  
曰願天壽公夫婦官公子孫後琮夫婦果以老壽

終

吳

潤

騰越人貢生事親至孝任溫江教諭奉父同  
往色養備至父歿扶襯歸葬服除補上海教



諭模範端嚴善於啓迪居鄉二十餘年操履嚴潔不納餽遺友愛庶弟入上海名宦

楊

茂

字廷秀騰衝人性質樸好義樂施嘗歸人遺金置義田捐棺具人有貸者力不能償即焚

其券行事率多類此

林興祖

字宗嗣騰衝人少孤母性嚴事之得其歡心或微愠必曲求慰解母疾檢方書云須虎睛

調藥乃愈興祖竭誠願天適城北得一虎往購其睛合藥母病果瘳

鄭永生

字壽伯騰衝人嘗結廬東山藝田忽鄰婦有私奔者永生不答馳歸家人問故給之曰偶

櫻疾欲藥益秘之也時以陰德事教家人年八十七而卒

鍾應奇

永平人生員天順間姚營叛兵入其家值母病在牀欲兵其母應奇號泣求以身代兵感

悟遂  
獲全

丁有虞

永平人貢生誠孝友恭事繼母情禮備至督撫旌曰孝行可風後仕至知縣

馬鼎龍

永平人生員苦志讀書荒年賑饑捐金助餉當道旌之

石雷

保山人嘉靖丙午舉人性直諒尚氣節任敎州府通判以憂歸遂不仕讀書寶山中力崇

正學多所發明里有鬻女者偵之其同年女也贖歸擇配具禮嫁之

陳一鶴

字內菴保山人隆慶丁卯舉人居家孝友樂善好施置義田以助鄉鄰設義地以埋枯骨

嘗讀書光尊寺夜覺有盜入一鶴曰無他物止銀二兩可於牕外接之又有竊其穀者一鶴見而避之不欲識其面其盛德類如此

張邦教

字敬敷騰越人萬曆丙子舉人事母篤孝歷官思南府通判清正嚴明巡按三薦之以母

老堅乞  
歸養

傭作人

永平人姓名失傳萬曆庚寅為人傭作以逾期不至見逐於主人哀求不納哭而去曰母

老無食奈何行未幾倦卧道旁夢一人撫其背曰無傷也某山有竹搖之可得米覺而憶其山舊遊也如言以往果得米似稻而粒長煮粥不稠味甚香美

趙之琰

保山人初名千里萬曆戊午舉人歷官戶部郎中致仕歸遭流寇之亂脅以官三拒之好

施濟救饑疫捐建養生院置義田地收贖被擄子女人皆德之

張松

保山人好行陰德一夕盜入宅松見之不發俟家人睡畢呼出給以銀令其改行有孕婦

至松門忽仆地松令婢掃室延  
入聽其分婉以湯藥調之而去

曹汝珍

保山人生員性純孝家貧貿易夜則讀書事  
雙親備極艱苦父患疽親為吮血即愈當道

旌之曰篤  
孝格天

沈

祥

騰越人尚義親賢有人遺寶石於路祥拾歸  
訪還其主又有遺治喪之金者祥亦拾而還

之

殷

賢

騰越人伯凱受世職五十無子賢應襲讓職  
不居力勸伯父娶妾生弟弟卒又出資助姪

成立襲  
祖職

周

奕

字叔大保山人舌耕養母以孝聞有以  
丹士術授之者奕曰多金何益卻不受

徐一中

保山人生員事親至孝母死停柩遇火災一中抱柩哭禱火頓息

李思善

騰越人事父母孝葬後廬墓盡哀絕跡城市

陳世培

騰越人世襲指揮明末孫可望據滇其黨楊武至騰迫脅紳士培父夢熊不屈武怒將杖

之世培懇以身代竟斃杖下繼而父亦死於賊時人哀之

本朝

徐崇岳

字石公保山人康熙癸卯舉人公車未第遂樂志林泉詩文博雅吳三桂欽其名強之仕

不屈絕跡公門後與修通志所著有造適軒集

鶴慶府

明

楊敘年

郡人正德壬午隨父斌之京行至天津為賊所獲欲殺之敘年號哭哀求願以身代賊感

其孝竝釋之又恐為眾所害仍以號箭護之出

高

科

郡人生員事親以孝聞又殮葬祭之無依者與弟同居始終無間知府周贊以孝友表其

門

段

忠

劍川人性篤孝家貧父宣久病忠傭身以養遇食忍饑奉父至老不變

楊

全

劍川人父繼宗為土官海真所殺全方在襁褓及長知父冤死多方圖報不果乃潛入麗

江為土官奏事於京因指以發其事後海真死於獄全曰吾父雖得報死無恨矣

蔣懋官

郡人生員父以旅亡扶柩歸屍血流出號泣而舐之既葬廬墓盡哀詔立坊旌之

楊懷玉

郡人貢生任安岳縣丞剛方正直細行必矜居喪蔬食盡禮期功不赴宴會舉鄉約敦行

四禮鄉人化之

楊邦器

字德周郡人貢生任眉州學正識學淵博儻好義賤乏周急鄉人有爭片言以解在眉

以文行飭諸生攝彭山縣以廉著人或嘲之器曰吾豈以小官隳節耶當路聞而重之

周演

郡人父於仁以貢至京演步從道遇賊抱父號泣賊勿其臂不去賊感而釋之比父以景

東訓導歸年八十餘演承歡備至及歿哀毀逾禮部使監司各旌表優恤

趙恩

郡人廩生父德宏以孝行祀鄉賢恩克繼父孝喪葬如禮家貧事繼母竭力致養婉容愉

色巡按吳翰表其  
宅里曰世敦孝行

### 本朝

梁健植

郡人生員己亥潰兵入境健植待其父避賊  
山中父被執健植向賊叩頭出血願代父死

賊遂殺健植  
而釋其父

唐士弘

郡人早孤事母至孝母病士弘餽天願以身  
代及母歿哀慕動人有姪三月而孤士弘撫

之成立分產與  
之郡守旌其門

孫如龍

郡人性孝友業儒家貧竭力事親父士基有  
疾如龍每夜告天乞以身代父疾尋愈人謂

誠孝  
所感



段尚龍

劍川人傭工養親親歿賣身以葬遇兵投河救嫂撫養孤姪本州旌之

順寧府

明

彭懋賢

原籍江西寓騰越萬厯間知府余懋學重其經明行修延為賓師遂家順寧余屢為置出

宅不受子高運生員好經術篤於孝友父子皆年九十餘世稱長者

周重謨

雲州人性至孝童年刲股以療母疾有司獎之

永北府

明

譚 鉞

北勝州人成化癸卯經魁知華陽縣父疾求以身代及卒廬墓三年

劉思善

北勝州人生員天啓初客舍失火拾遺金三百兩次日呼客還之客分謝堅不受州牧旌

之

蒙化府

明

薛志廣

蒙化衛人有孝行居喪盡禮廬墓芝草生於墓側

官 仲

郡人好義樂善周貧乏助婚喪嘗贖流亡還遺金年近百歲卒

范運吉

字用修郡人嘉靖己酉舉人父好為方外遊吉病且少不克從及長好學力行補弟子員

以詠白菊詩受知於巡撫應大猷許妻以兄女及  
登賢書應促其完娶吉誓不見父不肯娶遂書尋  
父狀負於背遍歷天下跋涉五載辛苦萬狀至楚  
襄陽行哭於市有知其父者云在武當榔梅園至  
則已歿吉刺血認屍扶櫬歸廬墓三年方赴京完  
娶事聞詔旌其門吉慟父歿於外遂終身不仕

周中規

字元體郡人嘉靖乙卯舉人幼失父勵志讀  
書母氏紡績以給之足跡不入城市者七年

後知彭水縣潔已  
愛民事母以孝聞

馬逸

字廷泉萬曆辛卯舉人公正不苟值順寧酋  
猛廷瑞搆亂大師進勦逸募義勇數百人親

率隨征招撫甚衆當事上  
其功欲授世職辭不受

張義

字恒齋性孝友樂善好施精醫學有奇效而  
不責報遇貧者置銀藥中令病者自檢以暢

其鬱人  
稱長者

彭萬昌

郡人生員事母孝沙賊之叛奉母避於南山賊追及欲射其母昌以身翼之賊感釋遂負

而逃得  
免於難

### 本朝

陳佐才

字翼叔郡人以才技隸黔國公標下受弁職自孫可望入滇後遂隱居不仕喜吟咏語多

血性豫鑿石為棺錫詩其上所  
著有叫天集是何巷石棺等集

熊兆鑑

字愛鼎郡人康熙己酉舉人有學行吳逆聞其才名強之仕不屈事平授鶴慶府教授勤

於考課與修通志後陞知靈邱  
縣所著有自箴集環篆軒稿

馬叅

郡人康熙己酉舉人吳三桂反脅以官不受事平授湖廣巴陵知縣

李北有

郡人康熙壬子舉人吳三桂反欲官之力辭事平任趙州學正端厚周慎不愧師範士論

之重

范悅

郡人事親純孝備歷艱苦親沒廬墓白鳥羣集隱居教授吳三桂反脅以官不就鄉人祀

之

景東府

明

陶綬

郡人土知府洪子成化間遣入國學萬曆間嗣職以孝義承家

文學

雲南府

唐

張志誠

善闡人大和間入都學王右軍書法甚精南中人士競師之

明

張通

字仲宣昆明人明經術洪武中任雲南教授講學以開文教

張維

昆明人操行高潔言動不苟每於日用處體認天理隱居讀書該通六藝著有詩文傳誦

人口

蘭茂

字廷秀嵩明人讀書過目成誦恥為章句學  
返求六經究心濂洛闡閩之微欣然有得乃

區其居曰止軒冲淡簡遠以著  
述自娛所為詩文皆高古可法

李尚文

昆陽人博學能文徜徉山水嘗恨滇中乏書  
乃與子滄至江南購書千餘卷歸教鄉人自

號醉樵  
居士

賈維孝

嵩明人不求仕進博學強記工詩文尤邃於  
醫孝親友弟綽有古風著有刺語間詠藁

施銓

字文衡昆明人景泰庚午舉人知永從縣有  
惠政及歸教授門多知名士著有東軒稿

朱克瀛

字孔淵晉寧人幼穎悟博學能文工詩中景  
泰癸酉舉人任定州訓導辭歸養母著有清

菴集行世子鳳成化甲午舉人知  
安縣亦以告養歸著有東湖詩集

蕭景時

字應元晉寧人弘治己酉舉人知安陸縣以不能曲事上官告歸作秋雨賦以見志所著

有可

亭集

唐堯官

晉寧人嘉靖辛酉解元屢上春官不第遂絕意仕進杜門著書有五龍山人集行世

李鼎元

字如初羅次人家貧力學授徒克敦本行邑民重之每有著作多出其手所輯有文章正

式靜齋  
詩行世

張

鼎

字大鼎安寧人天安高邁才思豪爽中萬曆甲午舉人知蕪湖縣以強項謫復補麻陽工

詩詞步趨先民著  
有詩文若干卷

曾

祺

字无咎安寧人博學多才善誘後學為文起衰振弊不落時趨屢困場屋益肆力理學為



詩敏捷雄健常託志於山水竹石間  
所著有四書管見並詩文若干卷

李舜耕

昆陽人貢生敦天性嗜讀書居常以班馬二史自隨著有可吾吟集

李暢藻

字涵白昆陽人貢生少好學有才望任曲江訓導致仕歸誦讀不輟著有竹龍記錄雪山

堂集

本朝

楊泰

安寧人幼聰穎力學不出戶庭中前明壬午舉人益加奮勵安貧講學才俊皆出其門著

有虎邱  
溫泉志

熊才

字叅伯昆明人少有雋才為文援筆立就及長研精諸子百家書晚年詩文益邃尤工書

畫片言尺牘  
人皆藏之

虞世瓔

字虞山昆明人由薦辟授光祿寺署丞歷官通政司右叅議工書法供奉內廷蒙眷顧

康熙二十一年致仕歸年八十六卒

段拱新

字捷元安寧人思貢淹貫經史雄於文章總督范承勳延為昆明書院山長一時登甲乙

榜者多出其門子所曦皆成進士其庭訓也

王思訓

昆明人性穎慧好讀書能文章補縣弟子員屢為學使器重總督范承勳徵修通志康熙

丙戌成進士授翰林院檢討督學江西典試廣東著有近體諸詩及四書文稿行世

張旭

呈貢人康熙壬辰進士家素貧苦志讀書尤工舉業及釋褐官檢討益加刻勵坐卧小室

中肆力於古一切聲華茂如  
也未幾卒於官未竟其志

趙繼普

昆明人貢生博學力行任蒙自訓導公慎廉  
介課士有方文風一振著有雲莊詩文集

程振鵬

字雲九昆明人歲貢孝友端方篤於行誼尤  
嗜學博聞強記著作甚富有嶺雲編啓蒙韻  
學見聞錄數十卷雲間周彝為  
之序任蒙化府訓導卒於官

曲靖府

明

傅遇高

字克升南寧人萬曆戊子舉人任宜陽教諭  
歷官南昌府通判終養不仕著樂真蛻鳴藏

海探珠等集又列文  
廟迺考有功學校

本朝

段標麟

南寧人幼為人所掠賣能自識其鄉里及歸苦志讀書過目輒記不忘研精諸籍尤工二

王書法中康熙補行辛酉科舉人知太湖縣有賢聲擢知濠州以老歸著有蠡屋集

朱服遠

南寧人貢生性好學積書萬卷日以考定經史為事稱理學名儒所著有聖門言行錄石

江通言北學稿  
南旋草等集

臨安府

明

沈

政

字行之通海人景泰癸酉舉人歷官太常寺少卿淹貫經史尤長於詩時人比之惲川

許登瀛

通海人萬歷乙酉舉人官中書性穎敏工古文詞著述甚富有觀海亭等集行世

楊忠亮

字蓋卿石屏人萬歷丁酉舉人歷官固原鎮同知掛冠歸優游泉石以讀書吟咏自適著

有素吟草山憲漫言等集

葛仲選

字澹淵河西人萬歷庚子舉人歷官苑馬寺卿博極羣書精於易象尤留意律呂心解神

悟著太律十卷焦學士竝稱其得千古不傳之秘初知嘉魚縣識金學士聲於童子試中引入署教之聲遂以文雄天下

蘇經世

石屏人貢生性端方動履不苟嗜學強記至老不輟著有中庸集解妻馮氏少有廢疾妻

家請罷婚經世卒娶之尤為人所推服云

本朝

塗大輅

石屏人性疎曠嗜學能文府州志皆出其手生平纂輯甚富著有曼衍集鐵船稿林壑雜

藝

張士弘

通海人沉靜好學博洽多能對客必具衣冠雖童子不敢忽有叩經史疑義者輒剖晰詳

明工書善詩年九十  
七卒著有鶴嶠文集

王芷

河西人性穎悟讀書兩行竝下為文立就尤工詩古文詞纂修縣志人亟稱之

許賀來

字燕公石屏人康熙乙丑進士官庶常讀書中祕學益進累陞侍講以終養告歸著有賜

硯堂詩  
集行世

江廣 蒙自人家貧嗜學史漢皆經手錄教授生  
徒一方學者多師宗之著有四書語錄

王孫澹

石屏人康熙己卯舉人任鎮南州學正平生  
勤學淹貫諸書手錄至數百帙皆能成誦獎

進後學無疾言厲  
色著有鈍齋文集

澂江府

本朝

管灝

字若梁新興人康熙甲戌進士選庶常授檢  
討好學博文充養縝密後改吏科給事中歸

捐修學宮  
纂成州志

謝儼

河陽人康熙丁丑進士知仁和縣博通經  
史涉筆如飛分修通志一時服其淹貫

廣西府

本朝

李佐明

郡人勤學好古間集方書買藥濟人所著有五峯詩集萃古名言及古今人物考

大理府

唐

楊奇鯤

樸榆人讀書貫穿百家唐與南詔和親南詔遣奇鯤入朝高駢謂鯤等皆南詔腹心遂醜

之有詩名唐詩載一首云風外波文吹又白雨中嵐影洗還青江鷗聚處牕前見林猿啼時枕上聞

元



蘇

隆

字子昌趙州人中統間進士以射策為主司稱賞蜀人楊廷為御史過龍岡訪之贈以詩

子仁壽有敏才通諸方語仕龍岡驛丞

明

楊

鼎

太和人弘治己酉舉人任黃州府通判告歸里居四十餘年閉戶讀書手不釋卷所著有

南詔  
通紀

何邦憲

字宗月賓川人正德辛未進士官給事中歷任知府有龍津集奏疏三卷詩草一卷

吳堯獻

太和人正德丙子舉人歷知墊江通山二縣清介慈惠致仕歸里吟咏自適所著有樂天

集行世子懋舉人歷官知州亦以詩名所著有乘槎南霞集行世

尹心堯

太和人貢生年十五承父訓得聞陽明良知之學討訂五經研究子史所著非天錄傳世

高可觀

太和人廩生少隨父宦遊燕楚閩越間所至輒親有道講求理學及歸棄舉子業築浩歌

園吟嘯自娛著有蒼洱集詠并天下名勝詩編為李中谿所重

何鳴鳳

浪穹人萬曆乙卯舉人長於詩歷官六安知州入名宦所著有半留亭稿陳眉公評其詩

才在王山陰上為之作序

本朝

萬崇義

字宜也太和人貢生任習義教諭又補祿豐學問淵博工詩善書所至振興庠序著有拙

筆

卷隨

郭復號

字子弘趙州人貢生博學好古著有石頭吟梅牕講易

張雯

字雲如趙州人生負性惆儻機敏秋闈被放遂棄舉子業博覽羣書詩文自適所著有鏡

道堂雲起臺  
石礮草等集

金元純

字鳴初趙州人廩生少有奇童之譽為文發抒性靈試輒冠軍學使謝于道稱其文章器

識卓冠全滇聘共衡文時稱得士遠近負笈相從至館舍不能容成材甚衆數奇不遇應貢而卒有

遺文若  
千卷

楚雄府

明

張如鳳

鎮南人崇禎壬午舉人性甘恬退好學不倦所著有鏡心篇愉老強學集及枕流野韻諸

稿為滇南名宿年六十八夢  
神人召修仁海國史而卒

陳士恪

字元敬楚雄縣人崇禎壬午舉人淹貫經史尤長風雅題咏甚富前纂通志與有力焉所

著有庸書  
鴻雪草

俞汝諧

楚雄縣人廩生天姿雋拔學博詞宏尤長於詩賦為楚郡風雅冠

丁希度

定遠人生員長詩文屢試冠軍講學萬春山桂香閣著有枕泉詩稿

姜維藩

字介侯楚雄縣人敦厚周慎為儒林坊表勤學好古所著有浪栖草

薩天璟

字又宋楚雄縣人廩生素行修飭持身醇厚讀書講學科貢多出其門著有燕攜草

本朝

李天秩

字會嘉楚雄縣人康熙庚午舉人屢蹟南宮益肆力於文章巡撫王繼文重其才延為書

院教習議論開發一時人士多所成就著有文集若干卷

薩綸錫

字言如楚雄縣人康熙乙未進士選庶常授檢討氣度安詳詩文博雅為迤西甲科之首

卒於京

永昌府

明

陶寧

字致遠保山人正統間貢生精於詩佳句至今猶傳誦人口與湯琮等會咏其詩曰杜宇

枝頭百舌吟何人不動惜芳心  
桃花紅雨梨花雪  
鋪得春愁一寸深  
又題菜燈云  
草堂照破壑  
鹽夢  
華屋燒殘  
肉食心

汪

城

字維翰騰衝人弘治辛酉舉人知廣安州值  
歲早城露宿以禱忽夜夢雨已而果應士民

為作夢雨亭所  
著有寧齋行稿

易

經

字入常騰衝人弘治辛酉舉人幼孤奉母以  
孝稱克勤於學為文典實尤工詩句赴會試

卒於途所著  
有時軒吟稿

易翼之

字孔彰經子正德丁卯舉人知長壽縣為政  
不事苛細與上官不合歸隱龍川江講學至

老手不釋卷著有四書音義會編春秋經傳會  
編詩話類鈔古今詩評騰司志稿等書行世

鄭文燦

字國光騰衝人嘉靖乙酉舉人有雋才督學孫石磯張南園俱器重之所著有夢驥賦等

稿行  
世

俞焜

字溪湖永平人生員博通經史子集不樂仕進歷遊吳楚燕趙兩浙間著有廣叩缶集

陳東善

保山人貢生品行端方敦厚為士林重望著有尚書正誤

趙千乘

字玉涵保山人讀書過目成誦以思貢生赴京肄業國子監祭酒溫體仁於一日中試以

文七藝梅花詩百首一韻皆立就  
溫奇之除揚州府通判卒於官

鶴慶府

明

李東儒

劍川人資性樸茂幼知聲律淹貫史書年十

教之

本朝

孫

桐

字我儀郡人幼穎異讀書十行俱下童年補

陽朔川間晚歲棄舉子業結茆雞足山博極羣書  
尤契伊洛淵源理後以母老歸築說石山房於朝  
霞之麓講學授徒彈琴樂志益精性命之  
旨著有說石山房集碧磊集驢背集行世

李夢頎

字賢皇郡人性耽書史尤精易理下筆灑灑  
千言絕無蹊逕嘗曰文不秦漢詩不漢魏不

可云作者晚年悉屏去專研理學區其室曰與天  
為徒中設周程張朱四子位正襟危坐驗喜怒哀



樂未發前氣象有得輒怡然自喜總督范承勳聞其名徵之不就所著有希顏錄自知錄及名賢格

言小寒

山集

求北府

明

張宗楚

北勝州人七歲能吟甫就學善草書舉神童赴京洪武間勅賜翰林院秀才卒於京

麗江府

明

木公

字公恕世襲土知府性嗜學於玉龍山南十里為園枕藉經書哦松咏月嘗以詩質於楊

慎慎錄其詩一百十有四首  
名曰雪山詩選叙而傳之

木

青

號松鶴公恕之曾孫也能詩善書年二十九而沒子增刻其詩曰玉水清音如輕雲不障

千秋雪曲檻偏宜半畝荷含煙翠篠供  
詩瘦啄麥黃雞佐酒肥皆其佳句也

蒙化府

本朝

陳時霈

字解如郡人順治辛丑舉人天性醇厚力學循禮文詞書翰俊逸多姿任路南州學正所

著有春生

草堂詩集

張錦蘊

郡人貢生性情和藹學問淵贍值明末兵火之後書籍散亡蘊手纂四書講義以教後學

任景東府訓導教士有方康  
熙辛未與修滇志有文集

隱逸

雲南府

明

郭文

昆明人買舟青草湖嘯咏自得自號舟屋都督沐璘聞而造之避蘆中不見一日揮去侍

從攜小童幅巾斗酒移棹物色相與論詩  
文縱談古今訂為布衣交著有舟屋集

殷才

呈貢人成化間遊北雍屢上書言時事迨歸  
絕意仕進躬耕自適直指使趙璧同舍生也

嘗造其家才於田間揖之留款雜  
黍壁憐其貧贍之才力卻不受

康

誥

昆明人出著破靴人稱康破靴無妻子獨處一室好讀書性嗜酒有招之飲者即至予以

錢米不受善洞簫書法祝允明居嘗以玉屑和泥置袖中團弄陶作硯堅潤類銅雀瓦人重之名康硯然不可多得間為一二以貽親識好事者日與之飲俟醉索之或伺其窘急出贖則得贖必故交否則文人墨客若富家貴族雖購以重價不售也

朱

璣

昆明人隱居樂道工詩鄉里欽其高致

邵

忠

昆明人溫厚誠信邀跡邱園學士劉翊嘉其隱德贈以詩

王

琦

昆明人隱居安寧山中以詩酒自放間至城市人競邀之有酒即往醉甚索筆作書淋漓

道健類李北海書畢去不顧處貧有恬然自得之概

熊之龍

昆明人少穎異卓犖有大志崇禎間以歲貢入京忽發嘆曰世亂親老何以仕為遂歸養

築別業居之承歡之暇歌咏性情陶然於山水間有所著述輒焚去不傳

楊文林

昆明人以端方範後學夫婦相敬如賓人以梁孟目之每日修身齊家四字學者於此關

甚難透明末以歲貢例授學正堅辭不出

丁焜南

字彥冲昆明人器質端凝寡言笑隱居教讀博極羣書尤邃於古嘗謂聖賢理學惟敬惟

靜久之自有真得日惟閉戶讀書與凡炳南弟曦南相師友終其身不欲以名著

郭之建

字用皇昆明人當明末不樂仕進居梭樹園習稼圃時袖書密樹中讀之每有所得輒為

詩詞童牧趨聽即輟書與語孝弟勤儉皆習而化之

楊惟峻

昆明人博聞強記工舉子業值沙酋變喟然曰可以隱矣遂絕意仕進居南郭構室種竹

足不履市年七十餘讀書不輟

張國正

字永和昆明人才識雄博明末流寇入滇聞其賢強以官不受隱居隴畝有就以道者

即終日不倦否則正色拒之雖貧甚不廢嘯咏著有隴畝集

本朝

唐泰

晉寧人少時曾遊董其昌門書畫皆臻其妙及歸放情山水巡撫錢士晉稱為雲中一鶴

晚年隱於僧名普荷所著有擔當使者集

曲靖府

明

項瑄

南寧人每遊山水輒多題咏  
弘治間以良知之學教後進

柴宗儒

字師魯南寧人嘉靖間貢入太學不久  
歸帶經荷鋤且耕且讀所著有居易稿

任良弼

南寧人性嗜學不慕榮利當事聞其  
賢獎以冠帶不受人罕得見其面

臨安府

明

濮宗達

字兼善建水人成化戊子舉人志尚高雅不  
求宦達杜門卻掃不輕與人交著述甚富

李元初

字復吾河西人萬曆庚子舉人將就選父扶  
杖送不覺悲悼即隨父歸結廬於邑之普應

山終身  
不出

澂江府

本朝

王佑命

字命爾新興人勤學好古博通經史尚氣節舉止端方有司聞其賢召之不至晚年自號

種松老人著有菜根齋  
集行於世年八十餘卒

武定府

明

趙廷瑄

字仲玉祿勸人原籍昆明中崇禎壬午舉人  
流寇起遂不赴公車及孫可望入滇凡科日



居家者胥迫之官瑄曰昆明不可居矣避地祿勸山中誅茆種蔬讀書自樂與牧樵為伍以終其身

武

恬

和曲人或稱武風子善以火炭繪竹著作禽魚花鳥狀然頗自寶貴性嗜酒有招飲者伺

其酣以火炭與箸陳於前而不言恬興發攘臂起頃刻繪數十箸酒盡則止或於酒間以箸相屬則怒拂衣去孫可望入滇恬匿去賊見其著懸賞購不至繫之來命作著不應揮斬之無懼色遂縱之自此佯狂市中不知所往

大理府

明

李斯文

太和人躬耕不仕有客來訪憐其貧欲以金餽知必不受乃潛置金於牀未曙而去斯文

覺追送不及將金真道上遙望謝  
而旋其操與永昌楊象山齊名

董

難

字西羽太和人嘉靖間從成都楊慎遊寓蕩  
山為樓以居輯轉註古音所著有韻譜鳳唱

集

楊

賢

太和人生員制行端方言無藻飾講學傳經  
門多達士當應貢曰出固教人處亦可以教

人其事均也與其遠涉以求信孰  
若與信已者處即遂不出終身

趙惟精

太和人萬曆庚子舉人少孤事母至孝母歿  
築風木亭以居當道訪之多不見山水嘯咏

怡然  
以終

楊向春

號野巖雲南縣人初為諸生習舉子業久之  
棄去隱深山中究邵子先天之學歷數十年

盡悟其祕遂能前知所著有皇極經世心易發微  
格物篇等書後遍遊名勝自稱孔道人遇袁了凡  
授以易學至武  
當不知所終

## 楚雄府

明

### 丁大訓

楚雄縣人別號五樓山人隱居呂合驛萬厯  
間姚安太守李贄過必訪之著作散失僅遺

仙人骨一絕云五樓峯下紫雲關鶴馭秋風  
甚日還白骨不隨雜犬去只今遺蛻滿空山

## 姚安府

明

李黻

姚安所人成化間隱於大石湖帶經躬耕不求聞達

永昌府

明

湯琮

號岩菴金蓋司人正統間與同郡陶寧張志舉程廣曹遇結詩社素心相許隱居樂志以

詩名

程章

保山人萬厯己卯舉人高尚不仕直指聞其名親詣廬勤之任答曰自永至京萬餘里及

入官或之秦之楚路費不給勢必稱貸非取民何以償之吾不忍為也直指深敬異之為請於朝遂

授都察院司務終不出

陶

庚

字星予永昌人任承天府通判早歲告歸築室西山吟咏其中屏跡城市郡舉鄉飲禮請

庚主之因吟詩曰可笑夷門老賓客等閒卻上信陵車終不出

葉

奕

字靜侯性純篤言行不苟潛心理學不樂仕進中年即棄舉子業以著述為事隱居騰越

雪山著孝經演義八卷

鶴慶府

明

高北峯

郡人逸其名萬歷間居北峯秀邑村通書史不求聞達性耽竹石尤善琴嘗蓄一鶴每鼓

琴鶴帆飛舞案前曲終乃罷

李夢明

字敏齋，郡人。少習舉子業，隨父東遊，太學父卒於京，明備役，獲貲扶櫬歸。葬年二十喪。

妻遂不再娶，肥遯林泉，棲心經籍。生平無謔言，躁動鄉人，至今稱之。

王世賢

字懷貞，郡人。少習舉子業，一試不利，遂棄去，隱居山中，究心羣籍，足跡鮮至城市。



雲南通志卷二十一之二